

常德府志卷七

考第五

建置考一

常德在漢卽爲聲教覃被之地而城郭公廡諸大端自宋至今乃粲然稱備焉輒考其興建之人及其歲月以爲舊事之徵云

城池

常德府城在沅水之陽

湖廣通志周赧王三十七年秦昭王遣白起入楚取黔中地楚人張若築城以拒湖南通志六國時楚遣張若築城卽今府城址也舊志後唐副將沈如常於城之西南百步

常德府志

卷七

建置考城池

一

東南一里各造二石櫃以捍水固城宋元豐間李湜開溝渠置三斗門後並圯龍志張若城在治東一百步

宋紹定四年二月乙亥呂文德浚築鄂州常澧城池訖事詔

獎之

理宗本紀

舊志城高二丈五尺週迴一千七百三十三丈九里十三步串樓一千五百八十三間警舖一百五十七所今殺其半雉堞三千二百四十八垛其六門東曰永安上南曰神鼎下南曰臨沅正西曰清平西北曰常武北曰拱辰南臨大江東西北三面環濠池東北二門有月城西有橋石基木板上鋪房拱辰常武兩門外皆石橋又有三斗門上

在清平門內後營中在武陵縣學之右下在舊衛署後根皆北向水繞城背然後往東合襟堪輿稱吉理或然也

按三斗門建自宋元豐五年將作監主簿李湜所開以洩城中之積水又城外上下石櫃建自後唐則唐時已有城但世遠年湮失於記載今之城垣係明仍宋代故址所築而明初胡汝孫德卽因宋之舊城更從而加修者也

元至順三年常德路監路珣不花築土城未就軍帥將大不花續成之

舊志

至元二十四年甲辰明太祖滅僞漢陳友諒取常德路總制

常德府志

卷七

建置考城池

二

胡汝卽舊城修之

明洪武六年常德衛指揮孫德再闢舊基壘以磚石覆以串樓作六門浚濠池而制始備

永樂十三年指揮李忠重修城垣加以樓櫓

正統十年指揮夏宣補修城垣

正德二年指揮段輔修砌城墉江岸 十一年指揮陳鼎重建西門城樓

嘉靖十二年大水城圯 十三年巡撫林大輅檄飭本府通判聶璜協同常德衛修之重建清平門城樓

崇正四年指揮周東修砌府學城垣復於城下壘石爲堤高

八尺亘延如城歷年修補不一舊志

崇正十一年七月奉勅修常德府城

舊志崇正十年楊太傅嗣昌以丁父憂家居嗣昌夜坐見白氣犯翼軫

奮起曰□將及吾郡聞流賊將犯楚遂作請修常德城稿授紳士轉

呈巡方御史白士琳奏之嗣昌以費巨遂暫撤鎮遠總稅以司理陳景頤管之撤舊易新三年而工完極其壯飾楊嗣昌疏畧曰竊照臣於本年二月內具題南方盜賊漸起綢繆陰雨宜先等事內開書稱事事有備詩稱陰雨綢繆皆莫要於聖諭修繕城池置造守具團練鄉兵儲蓄糧草之四事臣謹遵前諭旨再加發明懇祈聖鑒嚴勅責成

常德府志

卷七

建置考城池

三

直省撫按司道等官等因奉有欽依通行去後各該直省撫按未見片紙回文猶曰道路修阻奉行伊始未能驟舉其概也乃有建議踰年鳩工數月紛爭道旁之舍戲搏童子之沙如臣鄉常德府修城之事可異焉臣鄉常德一府四縣蕞爾小邦然而濱臨洞庭接壤谿峒爲華彝襟帶雲貴咽喉古來有事必爭之地頃者南征北討漢土官兵動輒盈千盈萬出入其間嗷嗷索哺洵洵思鬪凡二十載榮藩帶礪怵惕不寧士農工商奔避無所臣前歸里率諸紳衿具呈撫按兩院請留本衛絕溢屯租銀兩繕城募兵按臣余應桂業題奉旨行之久矣臣入都受事慮湖南湖北

無人照管請設偏沅撫臣值臨藍盜賊突出披猖次陳捍禦六議稔知親藩封國城敝不堪猶恐絕溢屯租資用不足再留臣部驛裁銀兩俾之完一城後再完一城又以南方修鍊無法特遣邊官郭惠明等前去提調繕城柴自禹等教練成造火器火藥以爲禦侮之備題奉明旨郭惠明等繕城除器併前議六款通著該撫道等官恪實力行務期守禦有備以靖地方欽此各官去經半載修鍊茫未有聞臣又移書偏撫內開四款一修城取之驛裁如一年不足則二年三年接續用之數原不少但恐一年不能徵數年之銀則本部近題南方盜賊漸起疏內加糧抽稅二事

斷斷可行卽糧或止可量加而稅則不妨全復俟城成卽止此本部題奏欽依通行考課不容遲誤者也臣問南來之人則今歲春夏起工四個月修城僅八丈建臺纔半座皆憑無知衛弁撓亂把持不用灰漿純以黃泥浸灌苟且了事遇雨傾倒畧無一成可爲浩歎臣不知屯租驛裁如許銀兩俱在何處而令有司束手坐困無從措處金錢置辦磚灰雇覓工匠僅役民夫一二十人夯杵鍬鑿等件器具無一堪者如此繕城雖十年必無成功徒敝精神滋勞怨而無益也臣爲此懼不敢不摘舉上聞懇祈聖鑒修備儲練四事俱不容緩而尤以修城爲根本苟非高非堅城

不足恃則備儲練三事俱無所憑依而親藩重地彝夏要衝城垣高僅八尺亦決無有如常德之甚者乞勅該撫按坐委本府節推專董其事一切追催錢糧督僱夫匠全倣邊城欵式實辦磚灰物件修砌堅久工程本官近稟該道遠詳撫按酌妥而行不許闖茸弁流把持橫議其募兵一事不能兼舉先將屯租歸併修城與湖南北驛裁嚴行催解如再不足則量抽府河商稅斷斷可行有此三者辦料鳩工不致束手坐困而夫匠必給見銀如民間點工應役始收子來之效萬萬不宜派之地方使滋口實無益有害也此事勒限年終奏報城工稍有次第然後募兵儲備照常

常德府志

卷七

建置考城池

五

國朝

順治十四年十月常德衛守備張靖修北門城門洞一座鐵

葉城門二扇

舊志

康熙四年衛守備張靖鼎建臨沅門神鼎門城樓鐵葉門扇五年鼎建北門城樓六年府經歷許尙忠鼎建西門城樓九年知府胡向華鼎修大南門城樓並建南城下調元樓城濠起西門歷北門至東門水匯出七里澗其南皆臨江

石櫃附

上石櫃在府城外西南百步下石櫃在府東南一里皆後唐副將沈如常所築壘石江濱修砌堅固捍禦水勢保障城隍至今賴之舊志

石櫃在府學櫺星門前元延祐六年常德路監哈喇以府學櫺星門逼近城址前切大江恐易圯壞乃築石櫃於學前高二丈以殺水勢 國朝乾隆三十一年大水灌城武陵知縣王永芳請帑重修加高厚各數丈舊縣志

花貓堤石櫃在清平門外二里舊建年月無考 國朝康熙九年三月知府胡向華衛守備張靖修舊志

常德府志

卷七

建置考城池

六

賀竒記畧曰花貓堤舊有石櫃一座修砌石工例辦於衛明時堤或時潰而櫃則屹然不動 國朝初滇黔兵馬屢犯常武乙未仲夏蜂擁東下是時總鎮楊公禦之斷堤櫃引水納流以爲堵截府城賴保無虞頻年水衝溢決不次府後三十餘村恒厄波濤此櫃較之唐元所建最上水患尤急知府胡公心切憂之暨清戎孔公署衛篆張公力肩是任采石修砌而填內運土則賴令尹黎協濟歷二載餘大工克竣謀鑄諸碣以志千古竒向張公行謝曰此櫃一成有三大利唐元三櫃年久代遠石礪灰脫不耐激此櫃當先殺其勢而三櫃可免急衝一利也郡北諸村其賦粟

多於郡南辰常二屯犬牙相參者半有此櫃以固堤在民爲村在軍爲屯咸盈倉箱二利也堤堦堅固則督修諸公無望洋蒿目之憂修築庶民省屢檄力役之費賴此櫃以奠金湯三利也

乾隆五十四年九月湖廣總督畢沅湖南巡撫浦霖等奏請發帑重修

會奏畧曰常德府城濱臨朗江地勢平行衍江水由黔省發源滙集辰沅諸郡之水由城之西南隅建瓴而下直射城根查沿江舊有石櫃四座在城西者地名花貓堤楊泗廟在城東者廻峯寺沙窩建立年分無考乾隆三十一年廻

常德府志

卷七

建置考城池

七

峯寺石櫃被水衝坍經前撫臣常鈞奏明修復形勢卑小彼時重在保護長堤究與城身無涉現在尙屬完好無庸議請加修又楊泗廟舊櫃形勢亦小止能禦浪不能逼溜亦無庸復加培修此外惟花貓堤舊櫃與楊泗廟相距不遠又與對面岸玉皇閣沙洲緊對應請修復此櫃既可保護城堤兼可衝刷對岸又有地名落路口正當大溜之衝更居對岸玉皇閣沙洲之上應請於此處添建新櫃一座逼廻大溜使之直衝對岸淤沙更爲有濟又城東沙窩舊櫃一座亦爲大溜頂衝且居對岸青草嘴沙洲之上游逼溜衝沙最爲喫緊但舊櫃形勢窄小出土亦低應請大

爲加修於東西一帶城堤亦可藉其保衛今逐一□□□
添建新櫃一座復修舊櫃二座按照丈尺層數□□寬窄
入土淺深據實估報實需工料銀一十二萬五千餘兩當

時修復花貓堤舊櫃其
落路口石櫃未及添建

沙窩石櫃在河街下年久崩壞乾隆五十七年知府李大霽
知縣楊鵬翹督本邑紳士商民捐貲加修一丈七尺名積
石壩

桃源縣

桃源舊無城郭明成化十六年通判張瑛乃相其高阜築土
城低處立排柵以資捍衛舊志

常德府志

卷七

建置考城池

八

宏治十年知縣李文顯補築土城建四門東曰迎恩東南曰
迎薰南曰通道北曰通郭時奉分巡副史魏英檄爲之
嘉靖十四年知縣尹天祐率市民輪役版築不月告成規制
雖簡陋可資防禦

崇正十三年兵部尙書武陵楊嗣昌題建磚城設商稅以資
用分巡道陳瑾拓其規模始事東北尋以時亂罷工

縣志稿城東由河岸起化抵□恩門經城隍廟抵缺城口
長共四十一丈零俱□城高二丈由口北轉西磚城高一
丈長二十四丈又西至通郭門磚城高二丈長一百□十
丈由通郭門西上磚城高一丈長二十八丈又西抵集賢

門磚城高二丈長十八丈五尺餘間有土城折而南至通道門皆憑後港由通道經迎薰門抵迎恩門皆臨大河

石櫃附

上石櫃在縣學前

舊志元延祐庚申建常德路權儒學學錄張壽識其年月造者於石明隆慶五年洪水衝決無遺萬歷二年巡撫趙賢臨縣因士民請批府議重修四年知府葉朝陽准動官銀二百兩給石工知縣鄭天祐更捐資縣丞徐徽言董役五年夏竣工櫃南砌石陂以塞泉道陂上砌石埠東建川上亭於儒學前蓋學宮之形勝洺洞之關闌所係甚鉅

常德府志

卷七

建置考城池

九

下石櫃在勸善寺前

舊志縣當五溪之衝通七省之衢洪濤湍發歲爲民害萬歷三十六年夏暴雨齧址殆半越五年知縣劉炅首先區畫築此櫃於四十三年冬工始竣縣志稿新石櫃在迎薰門外上接上石櫃高二丈九尺長五十六丈乾隆四十五年知縣羅紳請建發帑銀二萬七千兩零修復堅固爲桃源萬年保障

龍陽縣

龍陽舊無城郭元至正十六年天完徐壽輝將陳友諒據武昌分兵駐此鄉民始築土城防禦至今因之

舊志按水經注沅水□

東經龍陽縣北城側是北魏時已有城或傾塌未修復耳

明成化十一年知縣周泰卽舊城甃以磚設六門樓櫓如制城高一丈二尺周八百八十七丈門六曰東曰南曰小南曰西曰北曰小北

正德十一年巡撫都御史秦金以地臨洞庭盜賊易發乃發帑藏委教諭楊文升督工修築城垣其北瀕江東西南三隅則浚壑爲濠

嘉靖十三年知縣薛炳以城池年久未修且值荒歲恐有他虞委義民鄢連四等分修重建六門

萬歷戊寅知縣楊重俊奉旨築磚城周七百三十三丈高一

常德府志

卷七

建置考城池

十

丈三尺知縣黃師表增闢南門

龍志

崇正十一年丁丑奉旨重修龍陽縣城

舊志是年兵部尙書武陵楊嗣昌題請修郡城并湖南各城俱奉旨修築龍陽逼處洞庭修城尤急知縣劉光裕創修本邑鄉紳史贊舜袁鯨各捐千金助修後劉以左官停工知縣吳孩存接修增高五尺塞小北門留小南門以便驛路共爲五門通志東曰迎春西曰擊壤南曰薰風小南曰澹萼北曰拱極

國朝

康熙十二年知縣王萃重建城樓

乾隆三十一年發帑重修龍陽縣城

縣志稿是年署知縣魏丞輔詳請領帑知縣葉元祺分段承修週圍三里八分長六百八十四丈重建五門重樓東曰寅賓南曰觀光小南曰文明西曰慶豐北曰拱極石櫃

龍陽無石櫃明萬歷三十九年城東高坡頭崩比部曾壽貴築基創閣以截江流

舊志昔人嘗建寺塔於上塔前引水瀦環與江相通卽古寶塔河稱形勝地邑大關鍵也年久洪水蕩洗寺塔俱崩明比部曾壽貴議砌石櫃更於石櫃上置寶塔以復舊觀

常德府志

卷七

建置考城池

十一

因措費維艱未果

舵桿洲冷汛洲石臺康熙五十九年武陵生員徐昌彭商民江承璲等稟請修建雍正九年

詔發平餘銀二十萬兩委員監修

藩司宋詳文畧曰洞庭一湖綿亘數百里惟湖之西有冷汛洲湖之中有舵桿洲每值洪水泛溢風濤洶湧行舟陡遇風發苦無泊岸牆摧楫折不知凡幾商賈士民視爲畏途故商民江承璲張道源等欲將冷汛洲創石臺立廟暨桅懸點天燈更議造夾石山於湖中之舵桿洲武陵生員徐昌彭等因鄉試中阻大湖今見江承□等有此□□□

囊創址是以具呈籲請督憲銜序以彰倡率奉批委員勘估冷汛洲修建石臺基址長八丈橫六丈周圍二十八丈約計水勢計建三十六層高一丈八尺每層約五寸厚石除已砌三層高一尺五寸用過石塊工料不計外餘按丈尺及建廟總共估計需銀二千六百四十七兩零舵桿洲隔冷汛洲百餘里居西湖之中四邊達岸或百餘里或二三百里不等議造夾石山長八十一丈橫四一九丈高十丈以方石砌脚上填亂石四圍栽松樹千株中留十丈寬一小港長八十一丈與夾石山等以避風浪約計萬金

沅江縣

常德府志

卷七

建置考城池

十二

沅江舊無城郭明成化十一年知縣范珏築土城建四門城

高六尺周廻五里門曰東南西北無樓櫓

舊志

正德十二年知縣金露補修

嘉靖間知縣林一正始建城樓置匾

萬歷元年知縣漆文昌因土城時圯外砌以磚然水泛易圯

二十年知縣俞夢麟三十八年知縣霍梓四十五年署縣

阮良選皆先後加修建四門置柵未幾全圯

全上

國朝

康熙二十四年奉部覆沅城久廢無庸議修

通志周廻傍河計三里

卷七終